



Br.: 08-L2-6-JK-50/23  
Ilidža, 10. april, 2023.

## JAVNI POZIV

studentima dodiplomskog, master i doktorskog studija Internacionalnog Burč univerziteta, Univerziteta „Džemal Bijedić“ u Mostaru, Univerziteta u Bihaću i Univerziteta u Istočnom Sarajevu za podnošenje prijedloga istraživanja i međuuniverzitetski istraživačku mobilnost u okviru projekta „Uvođenje studentskih istraživačkih mobilnosti na univerzitetima u Bosni i Hercegovini“ – Introducing Student Mobilities to BH Universities (INSTREAM).

### O projektu

Ovaj projekt, kojeg finansira Evropska unija kroz Instrument pretpristupne pomoći, provode četiri gore navedena univerziteta iz Bosne i Hercegovine sa Univerzitetom “1 Decembrie 1918,” Alba Iulia iz Rumunije. Glavni cilj projekta je omogućiti studentima korištenje resursa drugih univerziteta iz konzorcijuma kako bi imali priliku provoditi istraživanja van svog matičnog univerziteta. Na ovaj način će se ojačati međuuniverzitetska saradnja, stvorit će se bolji uslovi za studente istraživače te popularizirati nauka i naučno-istraživački rad među studentima kako bi oni doprinijeli razvoju nauke unutar BiH.

### Način sudjelovanja

Svi studenti sa partnerskih univerziteta mogu sudjelovati u ovom projektu kao studenti istraživači, odnosno kroz provođenje (dijela) istraživanja na gostujućem univerzitetu iz konzorcija u periodu od 1 mjeseca do 6 mjeseci, ali ne više od ukupno 12 mjeseci ukupno.

Nakon selekcije, ugovor o dodjeli stipendije u visini od 1.075,71 BAM / 550.00 EUR se sklapa sa studentom i stipendija se dodjeljuje u jednakim mjesečnim ratama od 80% i jednom konačnom ratom od 20% nakon provedene mobilnosti. Dalje, studenti provode istraživanje na gostujućem univerzitetu u skladu sa prijedlogom istraživanja u saradnji sa mentorom u trajanju utvrđenim odlukom Komisije.

Nakon okončanja istraživačke mobilnosti se očekuje objavljivanje naučnoistraživačkog rada na konferenciji u roku od šest mjeseci od kraja istraživačke mobilnosti ili u časopisu u roku od 12 mjeseci od kraja istraživačke mobilnosti.

### Način prijavljivanja

Kao prvi korak, student treba izabrati najpodobniji univerzitet (između gore navedena četiri) i mentora (od prijavljenih, a koristeći bazu podataka koja se nalazi na web stranici [www.ibu.edu.ba/instream](http://www.ibu.edu.ba/instream)) za provođenje istraživačke mobilnosti na osnovu dostupnosti istraživačke infrastrukture na gostujućem univerzitetu, ali i komplementarnosti sa onim na matičnom univerzitetu radi kontinuiteta istraživanja te dostupnosti mentora koji je specijaliziran unutar date naučnoistraživačke oblasti.

Nakon stjecanja odobrenja od matičnog univerziteta ili fakulteta, student treba stupiti u kontakt sa željenim mentorom i također dobiti njegovu/njenu saglasnost. Dalje, student i mentor zajednički izrađuju prijedlog istraživanja koji je podoban interesima studenta ali i ekspertizi mentora te koristeći raspoloživu istraživačku infrastrukturu. Ovaj prijedlog matični univerzitet ili fakultet odobravaju.

Na kraju, student popunjava prijavni obrazac (koji uključuje dio o istraživanju) na jednom od službenih jezika u BiH i dostavlja isti (sa potrebnim dokazima) Komisiji putem email-a [instream@ibu.edu.ba](mailto:instream@ibu.edu.ba). Komisija onda ocjenjuje sve prijave, kreira rang listu te bira studente koje će projekt podržati stipendijom za mobilnost.



## **Kriteriji odabira studenata**

Prijedloge zatim ocjenjuje Komisija koju čini pet članova, odnosno po jedan član sa svakog partnerskog univerziteta, na osnovu sljedećih kriterija:

### minimalni kriteriji

- ponderisani prosjek ocjena u posljednjoj godini studija za studente društvenih i humanističkih nauka od 7,5, potvrđeno od strane studentske službe matičnog univerziteta
- ponderisani prosjek ocjena u posljednjoj godini studija za studente tehničkih, prirodnih i medicinskih nauka od 7,0, pod uslovom da u ciljnoj grupi studenata nema studenata sa prosjekom 7,5 i više, što studentska služba matičnog univerziteta dostavlja Komisiji
- kompatibilnost predloženog naučnoistraživačkog rada matične Strane i Strane domaćina, što se dokazuje pismom namjere obje Strane
- da student neće provesti više od 12 mjeseci na istraživačkim mobilnostima tokom trajanja projekta, uključujući trenutno predloženu
- popunjen dio „Prije razmjene“ Prijave za studentsku mobilnost gdje se detaljnije opisuje projektni prijedlog

### dodatni kriteriji

- ponderisani prosjek ocjena u posljednjoj godini studija, na način da se svaki dodatni bod iznad 7,5 za društvene i humanističke nauke, odnosno 7,0 za tehničke, prirodne i medicinske nauke boduje sa jednim dodatnim bodom
- status studenta, tako da redovni student nosi 2 (dva) boda, vanredni student 1 (jedan) bod, a DL student 0 (nula) bodova
- ciklus studenta, tako da student na trećem ciklusu dobiva 3 (tri) boda, student na drugom ciklusu dobiva 2 (dva) boda, a student na prvom ciklusu dobiva 1 (jedan) bod
- mogućnosti za mobilnosti, tako da student sa slabijim socioekonomskim statusom ili student koji pohađa studij na programu koji ima značajno manji broj mobilnosti u datoj akademskoj godini dobiva 1 (jedan) bod

### naučni kriteriji

- predviđena naučna vrijednosti predloženog istraživanja, sa maksimalno 3 (tri) boda
- očekivane mogućnosti objavljivanja i citiranja publikacije, sa maksimalno 2 (dva) boda
- predviđena izvodljivost istraživanja, sa maksimalno 2 (dva) boda
- zasnivanje istraživanja na istraživačkoj infrastrukturi, uključujući ljudskim potencijala, sa dvije ili više Strana, sa maksimalno 1 (jednim) bodom
- stepen interdisciplinarnosti istraživanja, sa maksimalno 1 (jednim) bodom

Za više informacija o INSTREAM projektu i ovom pozivu, posjetite

<http://www.ibu.edu.ba/instream>.